

¡JESUS!

«Arzaiak datoz
Salto ta brinko
Mendiak barrena,
Jesus adoratzera
Aldan lasterrena.»

Nere chikitako kant'au datorkit burura, eta malkoa begira. Ez det esan bearrik zergatik; Euskal-errian kanta onek aztuerazotzenditu pena guztiak, eta malkoa jaiotzenda Euskaldunen begietan, baña ¡zeñen gozoz dan! ¡A!.... goazen, goazen gu ere salto ta brinko arzai aek bezela, Jesus-Aurra adoratzera, ¿norá ordea? ¡goseak eta otzak arkitzen diran aurrak billatzera! guztiak dira gureak, ¡bai! zergatik guztiak Jesussek dituen, eta Jesus gurea dan.

Onela ikusiko degu, pozaren malkoa zorionekoa bada, zoriona bera dala, Jesus adoratuz, besteri chukatzenaiona. ¡A!.... eta ¡zenbat ikustenditudan, nereetaz azturik, chukatu bear nitukenak!

ANTONIO ARZAC.

1882-ko Abenduan.

GAEON KANTAK.

KANTARTEA

Goazen, goazen,
Zer ete dogun billatzen
Gaur Belenen
Aska baten
Ume bat ei da aurkitzen
Ume bat baña
Umeen gaiña,
Eguzkia bera baño
Askoz dana ederrago.

Belen inguru orretan
Zer dakit zer dan gertetan
Gau onetan,
Ain modutan
Aingeru taldak
Egoz zabalak
Zeruetatik lurrera
Soñu ederrak jotera
Datoz estalpe batera.

Goazen, etc.

Estalpe zan arek beti
Eta abereen toki
Gaur dirudi
Zeru bizi
Dударик бага
Biurtu dala,
Nik beintzat alandot uste,
Bestelan ezin laiteke
Batu aingeru ainbeste.

Goazen, etc.

«Jaungoikoari gloria
Goyetan,» diñoa guztia,
 Kantaldia
 Añ aundia
 Aingeruena
 Zeñen azkena
 «Bakea daben kantetan
Lurrean gizon danetan
Borondate ondunetan.»

Goazen, etc.

—
 Artzainak ziar mendian
 An datoz nere erechian
 Bizkarrian,
 Gaiñ gaiñian,
 Kaiku esniak,
 Bildotz guriak,
 Inchaurre gaztaia ugari,
 Sagar gaztañak ez murri,
 Ekarten Jesus onari.

Goazen, etc.

—
 Gloria zelan Zeruan
 Gloria dogu soruan,
 Orainguan,
 Bai neguan,
 Gaurko Eguzkia
 Jaungoikokia
 Zeñek ez dakus jayoten
 Gaba dabena eguntzen
 Ta Ama dontzella lagatzen?

Goazen, etc.

¡O gauza arrigarria!
 Mirarien miraria,
 Zein egia,
 Ze argia,
 Igarla bada
 Aurrez esana
 Orra or bete batean
 Estalpe zantar batean
 Mesias lasto artean.

Goazen, etc.

—
 Poztu gaitezen gizonak,
 Poztu zaitze gaur andrak,
 Poztu aurrak,
 Poztu zarrak,
 Eldu dalako
 Gaur guretzako
 Zorioneko eguna,
 Nok dakarren osasuna
 Geisorik geunkan mundura.

Goazen, etc.

—
 Ongi etorri, Jesus kutuna
 Ongi etorri, Jesus zalduna,
 Ongi Jauna,
 Ongi Leuna,
 Zabaltze arren
 Ainbat lastarren
 Guri Zeruko atiak,
 Zeintzuk geunkazan ichiak
 Dirla milla urtiak.

Goazen, etc.

FELIPE ARRESE ETA BEITIA.

